


Nomina, à qui-
bus & cur indita.



Situs.

Solifertilitas.

Animalium va-
rietates.

AFRICA sequitur. Ea sic dicta est, si Niciæ credimus, ab *Afro* quodam socio Herculis, qui cum ad Gades usque comitatus est: sin Iosepho & Isidoro, ab uno ex posteris Abrahamæ, cui nomen *Afer*: velut Festus autumat, à Græco *Φερών*, quod horrorem denotat, este-
nim horrores expers, quum sita sit inter Tropicos. Arabes *Fricchiam* vocant, à verbo *Faruca* quod ipsis est dividere: est enim Africa à cæteris terræ partibus ferè divisa, vel ab *Ifrico* Ara-
biæ Felicis Rege, quem primum omnium has terras ferunt coluisse. Græci *Libyam* vo-
cant vel à Libya Epaphi filia, vel quia *Λιβύη*; vel quod inde *Lips* ventus spirat. In Sacris
literis *Chamæsia*, ab Arabibus & Æthiopibus *Alkebulam*, & ab Indis *Besecath* nominatur, Equinoctialis
Circulus mediam fere Africam secat. Tropiciæam nondum excedunt: sed ipsa utrimque Tropicos gradi-
bus decem atque amplius. Terminatur ad Septentrionem Mari Mediterraneo & Freto Herculeo, ad Or-
tum Sinu Arabico sive Mari Erythræo, & Isthmo, qui est inter Mare Mediterraneum & Sinum Arabicum. Ad
Meridiem alluitur Oceano Æthiopico: ad Occasum Atlantico. Formâ habet Peninsulâ quæ Isthmo, quem re-
tuli, Asiæ conjungitur. Etsi verò ejus longitudo quæ ab Occasu ad Ortum patet, brevior sit Europæ longitudi-
ne, tamen reliqua pars ad Austrum tantum sese extendit, ut ei Europa vix conferri possit: habet enim spatium
graduum pene 70. Europa verò vix graduum 35. Preterea Europa tota sinuosa est, Africa uniformis & conti-
nua. Sed Europa, ut in ejus descriptione diximus, cultissima: hæc multis locis deserta. Illa jam olim nota, hæc
non. Quantum incolitur Africa fertilitate præstat. Verum magnâ parte inculta est, & vel arenis sterilibus ob-
ducta, vel ad Situm Coeli deserta, vel multo ac malefico Animalium genere infesta. Eximia & propemodum por-
tentosa agrorum narratur feracitas, utpote qui locis quibusdam centesimo fœnore reddant cultoribus messem.
Mirum est quod de Mauritanîæ ubertate dicitur: reperiri in ea vites, quas duorû Hominum complexus capere
non possit, uvarumque racemos cubitales. Arbores circa Atlantem proceritate insigni, enodi nitore, folio cu-
ptelsi. Alit & Africa Elephantes & Dracones, qui ipsis belluis insidiantur, suoque complexu enecant: Leones,
Bubalos, Pardales, Capreas & Simias quibusdam locis supra modum frequentes. Herodotus Asinos cornutos
ibi nasci author est. Dracones insuper, Hyenas, Histrices, agrestes Arietes, Thores, hoc est ex Hyæna & Lupo
genitos, Pantheras, Struthiocamelos, & præter multa Serpentum genera, Cerastras & Aspidem, cui pesti Ichneu-
monem minimum Animal Natura opposuit. Cervus autem & Aper, eodem teste, prorsus in Africa nullus est.
Basiliscum etiam alit Africa. Quæ de eodem narrantur, fabulosa quidam suspicati sunt. Atqui Leone Pontifi-
ce constat ad ædem Lucæ sub fornice stabulatum Basiliscum, cujus adflatu magnâ lue Roma adfecta fuit. Sunt
& varia monstrorum genera quorum diversitatem multitudinemque inopiæ aquarum adscribunt, ad paucos si-
ve amnes sive puteos congregantibus se feris. Africam Romani divisere in provincias sex. Proconsularem, in
quâ Carthago: Numidiæ Consularem, Bizacchium, Tripolitanam, Mauritaniam Cæsariensem, & Mauritaniam
Sitiophensem. Ptolemæus initio lib. 4: duodecim ejus Provincias seu Satrapias numerat, Mauritaniam Tingi-
tanam, Mauritaniam Cæsariensem, Numidiæ, Africam propriè dictam, Cyrenaicam, Marmaricam, Libyam pro-
priam, Aegyptum Superiorem, Inferiorem, Libyam Interiorem; Æthiopiam sub Aegypto & Æthiopiam Interiorem.
Leo Africanus totam Africam dirimit in quatuor partes, Barbariam, Numidiæ, Libyam, & Nigritarû Regionem.

Sed